

TE HEHEURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 10.

Atopa 1926.

Mat. 20.

*E e parau atoa'tu vau ia outou, o te huna i te mau pa-
rau heheu a te Atua ra ma te parau e, ua faaorehia te reira,
e aita e parau heheu, e te tohu, e te mea horoahia mai, e te
faaora ma'i, e te parau eê, e te iritiraa i te parau eê.*

*Inaha râ, e parau atu vau ia outou, o te huna i taua
mau mea nei, o te ore ia i te i te evanelia a te Mesia; aore
atoa oia i taio i te parau i papaihia ra; ua na reira oia i te
taio, aita oia i ite papu i ta'na taio ra. (Moromona 9:8.)*

Te Heheuraa

TE VAI nei i roto i teie nei mau mahana hopea nei, te mau
haapaoraa e rave rahi tei ore i faaroo e, te heheu noa
mai nei te Atua i to'na hinaaro i te taata nei, no reira, a
hiópoa tatou i to ratou feruniraa; e mea ananei taua ferui-
raa ra i te mau parau i papaihia i roto i te Bibilia? e aita
anei?

Te na ô mai nei Amosa e, "Aita â te Fatu ra o Iehova
e peu i rave, maori râ ia faaite i ta'na parau i moe i tana
ra mau tavini i te mau peropheta." (Amosa 3:7) Na te hoê
tavini a te Atua i parau mai teie parau e tei ia'na te mana

ia parau na roto i te i'oa o te Atua ra; no reira, no ô mai i te Atua ra taua parau ra, e mai te mea e, no ô mai ia i te Atua ra, o te parau mau iho â ia. Ua parau râ teie mau haapaôraa e, teie te parau ta te Atua i parau mai i te anotaui hou te taeraa mai o te Mesia, e a tae mai ai oia ra, ua ore teie mau parau ia'na; area râ ua parau maira Iesu e, "Eaha e manaô e i haere mai au e faaore i te ture e te mau peropheta; aore au i haere mai e faaore, e faatia râ." (Mat. 5:17)

Aita râ ratou i taiô i te irava, e hoé ahuru e ma vaû no taua pene ra, tei na ô mai nei e. "Oia mau ta'u e parau atu ia outou nei, e mou aé te ra'i e te fenua atoa, i te hoé iota e te hoé vahi iti o te ture nei, eita ia e mau e ia hope roa i te tupu." Mai te mea e, e tupu te mau ture a te Atua ra, e te mau parau a ta'na ra mau peropheta, e tupu ia te parau a Amosa; no reira, e heheu noa mai te Atua i ta'na mau ture e ta'na ohipa i te mau peropheta.

I muri aé ia Iesu, na tae mai ai te Varua Maitai i rotopu i te mau aposetolo e ua parau maira ratou i te reó êê, tuu ihora i to ratou ra rima i nia iho i te feia i pohe i te maie ua faaorahia ratou, e e rave rahi te mau semio i ravehia e te mana o te Varua Maitai. Ua vaiihohia teie Varua i rotopu ia ratou ia parahi ta mau oia e a muri noa'tu. (Ioane 14:17) No reira, e faaitohia mai te hinaaro o te Atua e taua varua ra, e e parahi mau oia i rotopu i te mau taata tei haapao maitai i taua anotaui ra, e i teie nei anotaui atoa hoi.

E Atua parau tiá to tatou Atua ra, e aita oia i hinaaro ia pohe te mau taata i teie nei ao mai tei au i te parau ta'na i parau mai i Maseli 29:18; no reira te horoa mai nei oia i ta'na ra mau ture i te mau peropheta ta'na i maiti i tera taime e i tera taime. E tei ia ratou te mana e te ite, ei faaiti mai i ta'na ra mau ture, e to'na ra mau hinaaro, e mai te mea e, aita tatou e haapao i te reira, eita ia tatou e ô i te basileia o te Atua ra. (Mat. 7:21)

Te parau mai nei te tahi mau taata e, tei roto i te Bibilia, te mau ture atoa a te Atua, e te parau hoi te aratai ia tatou i te basileia o te Atua, e ua parau mai ratou e, no teie mau parau papai i ore ai ta te peropheta ohipa i rotopu ia tatou nei. Ahiri teie te parau mau, eaha te tumu i vai ai te mau haapaoraa êê, o tei tamaí noa i nia iho i te mau parau i papaihia i roto i te Bibilia? Teie te pahonoraa: Aita ia o peropheta e vai nei, ei tatara i teie mau parau, e aita hoi e taata ei farii i te mau ture a te Atua ia riro ei aratai na tatou i te ohipa ta tatou e rave nei i te mau taime atoa.

I roto i teie nei anotau ua haamanaó â te Atua i ta'na mau parau, e ua ite oia e, teie te tau hopea; no reira, ua tonono mai oia i te hoé melahi i teie nei tau ia faatia faahou i ta'na ekalesia i rotopu i te mau taata i te ao nei; ua faatia oia i te ekalesia, e ua tuuhia te peropheta i roto i te reira ei aratai i te mau melo i te eá afaro i mua ia'na ra. E te Ekalesia a Iesu Mesia i te Feia Moá i te Mau Mahana Hopea Nei, o te Ekalesia mau ia, e tei roto i te reira Ekalesia te mana o te Atua, e te peropheta hoi ei haapii i te mau melo i te mau hinaaro o te Atua ra.

—*Papaihia e Elita.*

To Ioane Heheuraa

Te tatararaa no to Ioane heheuraa, i horoahia mai na roto ia Iosepha Semita i te oire ra i Hairamu i Porotage i te fenua Ohaio, i te mau mahana matamua no Mati. 1832.

Uiraa 1. Eaha te miti mai te hió anaana i parauhia mai e Ioane ra, i te pene maha e te irava ono no te Apokalupo ra?

P. O te ao nei ia, i roto i to'na vairaa tabuti ore ra, i haamoáhia e a muri noa'tu.

Uiraa 2. Eaha teie na mea ora e maha i faaitehia mai i roto i taua irava ra?

P. O teie te mau faaauraa parau i ravehia e Ioane i to'na ra faaiteraa'tu i te huru no te Paradaiso o te Atua, te oaoarâa o te taata, e te mau puua, e te mau mea tei nee haere i nia i te fenua, e te mau manu hoi o te reva; e tei i te pae varua, ua au ia i to te pae tino ra; e tei i te pae tino, ua au ia i to te pae varua ra; ua au te huru o to te taata varua i to'na tino, e hoé ahuru te mau puua e te mau mea atoa i hamanihia e te Atua ra.

Uiraa 3. Ua vai tataitahi anei teie na mea ora e maha, e aore râ, ua faaauhia anei te tahi mau pupu?

P. Ua vai tataitahi teie na mea ora e maha i faaitehia mai ia Ioane ra, ua faaauhia râ ei faaite i te huru hanahana o te mau pupu taata i to ratou vahi e haapaohia i roto i teie ao, ei faaite hoi i to ratou oaoa i to ratou vairaa mure ore ra.

Uiraa 4. Eaha te auraa no te mau mata e te mau pererau o teie na mea ora e maha ra?

P. O te mata ra, o te maramarama ia e te ite, oia hoi, ua i te mata i te ite; o te pererau ra; o te mana ia ia haere e ia rave.

Uiraa 5. O vai teie mau peresibutero e piti ahuru e ma maha, i parauhia i te irava ahuru?

P. E teie mau perisibutero ta Ioane i ite ra, o te mau peresibutero ia ratou, o tei itoito i te ohipa a te evanelia e ua pohe; tei roto ratou i taua na Ekalesia e hitu ra, e tei i roto ratou i te Paradaiso o te Atua ra.

Uiraa 6. Eaha te buka ta Ioane i ite, o tei taatihia i taua na tapao taati e hitu ra?

P. E teie buka, o te mau paran ia no te hinaaro o te Atua i heheuhia mai, te mau parau bohonu, e te ohipa a te Atua; te mau paran hupa no to'na faatere-noa-raa i te ao

nei i roto i taua na tauatini matahiti e hitu ra, o to'na vairaa tahnti-ia.

Uiraa 7. Eaha teie na tapao taati e hitu ra?

P. E teie nei, tei nia iho i taua tapao taati matamua ra, o te mau mea ia i ravehia i roto i te tauatini matahiti matamua, tei nia iho i te piti o te tapao taati ra, o te mau mea ia i ravehia i roto i te piti o te tauatini matahiti, e na reira noa e tae noa'tu i te hitu o taua na tapao taati ra.

Uiraa 8. O vai teie na melahi e maha i parauhia mai i roto i te pene hitu e te irava hoé no taua Apokalupo ra?

P. O ratou ia te mau melahi i tonohia mai no ô mai i te Atua ra, o tei mau i te mana faatere i nia i na hiti e maha o te fenua nei, ia faaora e ia haamou; e tei ia ratou te evanelia muri ore i te horoa mai i te mau nunaa'toa, e te mau opu atoa, e te mau reó atoa, e te mau taata'toa; tei ia ratou, hoi te mana e tiá ia opani i te mau raí, ia horoa i te ora, e ia haamairi i roto i te mau vahi riáriá o te pouri ra.

Uiraa 9. O vai teie melahi o tei aéraa i te hitia o te râ, i faaitehia mai i te pene hitu, e te irava piti no taua Apokalupo ra?

P. E teie melahi tei aéraa i te hitia o te râ ra, oia te horoahia ia'na te tapao taati o te Atua ora ra, i nia i na opu e hoé ahuru e ma piti o Iseraela; no reira oia i pii atu ai i na melihi e maha ra o tei mau i te evanelia mure ore i te na ôraa'tu e, Eiaha e haapeapea i te ao nei, e te miti e te mau raau o te fenua nei, e tae noa'tu i te tau, e tapao-taati-hia'i te mau tavini a te Atua i nia iho i to ratou rae; e ia farii outou i te reira, oia te Elia o te haere mai e haaputupu i na opu e hoé ahuru e ma piti o Iseraela ra, e faa-hoi hoi i te mau mea'toa i to ratou vairaa mau.

Uiraa 10. Eaha te tau e tupu ai te mau mea i parauhia i roto i teie nei pene?

P. E tupu teie mau mea'toa i te iriti-raa-hia o te ono

o te tapao taati; o te ono ia o te tauatini matahiti.

Uiraa 11. Eaha te auraa no te tapao-raa-hia o te feia i tapaohia e hoé hanere e maha ahuru e ma maha i te tauatini no te mau opu atoa o Iseraela ra; hoé ahuru e ma piti tauatini i te opu hoé?

P. E te feia tapaohia, o ratou ia te mau tahuá rarahi i faatoroahia i te toroa moá o te Atua ra, ia aó haere i te evanelia mure ore; o ratou hoi ia tei faatoroahia no roto mai i te mau nunaa'toa, te mau opu atoa, te mau reó atoa, e te mau taata'toa e te mau melahi o tei horoahia ia ratou te mana i nia i te mau nunaa'toa o te ao nei, ia aratai mai i te faatia i roto i te Ekalesia o te Tamaiti fanau-tahi.

Uiraa 12. Eaha te auraa o te faaótoraa i te mau pu i faaitehia mai i roto i te pene vaú o te Apokalupo ra?

P. Ia ite tatou e, i te matamua roa i hamani ai te Atua i te ao nei, i roto i na mahana e ono; e a tae ai te hitu o te mahana i faaoti ai oia i ta'na ohipa, haamoá ihora oia i te reira, e ua hamani atoa hoi oia i te taata no roto mai i te repo o te ao nei; e na reira-atoa-hia ia tae i te hitu o te tauatini matahiti, e haamoá te Atua i te ao nei, e faaoti hoi i te faaoraraa o te taata nei; ei reira oia e haava ai i te mau mea'toa, ei reira hoi oia e faaora ai i te mau mea atoa e tae noa'tu i te hopea o te mau mea'toa, maori râ, i tei ore oia i tuu i roto i to'na iho rima mana; a haamau ai oia i te mau mea'toa e tae noa'tu i te hopea o te mau mea atoa; e te faaotoraa o te mau pu o na melahi e hitu ra, o te faaineineraa ia, e te faaotiraa hoi o ta'na ohipa i te matamua o te hitu o te tauatini matahiti; te faaineineraa o te eá hou oia e tae faahou mai ai.

Uiraa 13. Afea e ravehia'i te mau mea i parauhia i roto i te pene iva o te Apokalupo ra?

P. E ravehia teie mau mea'toa i muri iti aé i te iriti-raa-hia o te hitu o te tapao taati, hou hoi i te tae-faahou-raa

mai

ane
o teuera
Elia
te m

i te p

nua
nelia
putu

o to

Fafa

Te

[PA
m
te ma
i'oa, i
atura
taata
mau r
hopoib
Abera
tanuhi
nânâ
ê, e ia
atura,

mai o Iesu Mesia.

Uiraa 14. Eaha te auraa o te buka iti i amuhia e Ioane mai te au i te paran i papaihia, i te pene hoé ahuru aore o te Apokalupo ra?

P. E teie buka, o te hoé raveraa moá ia, e te hoé faa-ueraa ia haaputuputu oia i te mau opu a Iseraela; inaha o Elia teie, mai te au i tei papaihia, o te haere mai e faahoí i te mau mea'toa i to ratou vairaa mau.

Uiraa 15. O vai teie na faaite e toopiti i faaitehia mai i te pene hoé ahuru e ma hoé o te Apokalupo ra?

P. O raua ia, na peropheta o te faatiahia i roto i te nūua o te Ati Iuda, i te tau no te faahoi-raa-hia o te eva-nelia, e tohu hoi raua i te Ati Iuda i muri aé i to ratou haa-putupu-raa-hia, e faatia hoi i te oire Ierusalema i te fenua o to ratou tupuna.

Ua iritihia e ua faaauhia teie parau na roto mai i te Buka Fafau, pene 77 ei reo Tahiti e Ioane Oratona.

Te Parabole No Te Taata Taoá E Lazaro

PARAHI na te hoé taata taoá rahi, e ahu ura e te ahu maitai ta'na e ahu, e amuraa maa rahi nehenehe ta'na i te mau mahana atoa: e te hoé taata taoá ore hoi o Lazaro te i'oa, i viihohia i to'na ra uputa, ua ati roa i te mai, ua ani atura i te huá rii maa i mairi no nia i te amuraa maa a taua taata taoá ra, e ua haere maira te mau urî na mitimiti i te mau mai no'na ra. — E pohe ihora taua taata taoá ore ra, hopoihia'tura oia e te mau melahi i nia roa iho i te ouma o Aberahama; e pohe ihora hoi taua taata taoá rahi ra, e tanuhia ihora; e ati atura oia i te mauini rahi i hade, ua nânâ aéra i tana mata i nia, ite atura ia Aberahama i te atea ê, e ia Lazaro i nia iho i to'na ouma; ua pii atura oia, na ô atura, e paino, e Aberahama e, e aroha mai oé ia'u, e tono

mai oe ia Lazaro ia uhi oia i tana auru rima i te pape, ei faatoetoe i tau arero nei; ua ati roa vau i te mauini rahi i teie nei auahi ura. Ua parau maira Aberahama, e tau tamaiti, a haamanaó na, e maitai to'oe i to oraraa ra, e e ino hoi to Lazaro; i teie nei râ, ua faaíhia oia i te oaoa, e ua ati oe i te mauini rahi. E e area rahi hoi tei tūhia i ropu ia tatou, e ore to ō nei e tae atu i ō outou na ia haere atu; e ore atoa to ō na e tae mai i ō nei i ō matou nei. Ua parau atura oia. Teie maori ta'u parau ia'oe, e paino. E tono oe ia'na i te fare o tau metua ra; toopae hoi o'u taeae, e aó atu oia ia ratou, o te tae atoa mai ratou i roto i teie vahi mauini rahi. Ua parau maira Aberahama ia'na. Teie ia ratou Mose e te mau peropheta, a faaroo ratou i te reira. Ua parau atura oia. Eiaha, e paino, e Aberahama, ia haere atu râ te hoé taata ia ratou mai te pohe atu, e tatarahapa ia ratou. Ua parau maira oia. Ia ore ratou ia faaroo ia Mose e te mau peropheta ra; tia noa te hoé taata mai te pohe atu, e ore â ratou e faaroo i te aó. (Luka 16:19-31)

Ua horoahia mai i te taata taoá ore te i'oa ra o Lazaro, aita râ to te taata taoá e i'oa i roto i teie parabole. Ua oomo noa te taata ona i te ahu maitai i te mau mahana'toa, e ua amu hoi oia i te maa maitai i te mau taima atoa. Ua vaiihohia o Lazaro i te pae uputa o to te taata taoá fare, e ua haaatíhia oia e te mau urí a mitimiti atu ai ratou i to'na ra mau mai. Area teie taata taoá ra, ua haaatíhia oia e te mau tavini e rave rahi, e ua horoa-noa-hia maira te mau huru tapá atoa o teie nei ao ia'na. No reira, tera ia te huru no to raua na oraraa i roto i teie nei ao. Pohe ihora Lazaro, aita râ te hoé paran e vai nei, tei haapapu i te huru no to'na hunaraa, e mea papu râ ia e, ua huríhia to'na ra tino i roto i te menema o te feia veve no taua tau ra. Ua hopoi râ te mau melahi i to'na varua i Paradaiso, oia hoi, te vahi faae-araa o te mau varua muri aé i te pohe, e ua parauhia taua

vah
aita
mel
Laz

oia,
hoi
ia A
arer
ani
haa
atoa
i te
Laz
Abe
ra te
feia
taoa
atur
ia or
Ua p
Mose
aita
mair

no ta

papu
mau
i Par
tahi

vahi ra, te ouma o Aberahama. Ua pohe atoa te taata taoá aita rá i faaitehia mai, ua hopoihia to'na varua e te mau melahi. E i hade, ua nânâ aéra oia to'na mata, ite atura ia Lazaro i nia iho i te ouma o Aberahama.

A vai ai taua taata taoá ra i teie nei ao, ua ahaaha'tura oia, i te ô raa'tu e, e huaai matou no Aberahama, no reira hoi matou e ora'i. Ia'na i tae ai i hade ra, ua pii atura oia ia Aberahama, ia tauturu mai ia'na ra, mai te faarari i to'na arero, ia ore te mauui rahi ia vai â i nia iho ia'na. E ua ani atura oia ia afai mai Lazaro i taua pape ia'na ra. Ua haamanaó rá Aberahama i taua taata taoá ra, i te mau mea atoa ta'na i tapea no'na iho i toto i te ao nei. E na roto hoi i te parau tiá o te Atua ra, i horoahia mai ai te taoá rahi ia Lazaro, a faahapahia ai taua taata taoá ra. Aita hoi tiá ia Aberahama ia haapao i to'na aniraa mai, no te mea, te vai ra te area rahi i ropu i tera na huru taata e piti, oia hoi, te feia paieti e te feia paieti ore. A vai mauui ai teie taata taoá, haamanaó ihora oia i to'na mau faeae tei ora. Ani atura oia ia Aberahama ia tonohia Lazaro e farerei ia ratou, ia ore ratou ia farerei i te mauui pohe ore ta'na i farerei na. Ua pahono mai Aderahama, i te ua ô raa mai e, tei ia ratou Mose e te mau peropheta, e ia ore ratou e faaroo ia ratou, aita hoi ratou e faaroo i te taata tei tiá faahou, mai te pohe maira.

UIRAA 1. Ua aó atu Iesu i teie parabole ia vai?

P. Ua aó atu Iesu i teie parabole i te mau Pharisea, no ta ratou patoi noa-raa mai i ta'na ra mau haapiiraa.

PARAU TAUTURU Na roto i teie nei parau, ua ite papu tatou e, e ere Paradaiso te vahi hopea e taehia e te mau varua haapao ra. Aita rá i faamuihia te mau taata'toa i Paradaiso. Ua haapaohia te hoé pae no te feia paieti, e te tahi pae no te feia paieti ore.

UIRAA 2. Eaha te tumu i farerei ai Lazaro i te maitai i Paradaiso, e eaha hoi te tumu i farerei ai te taata taoá i te mauui rahi i Paradaiso?

P. Ua munaó-pinepine-hia e, ua haamaitaihia Lazaro no te mea, ua vevehia oia i roto i teie nei ao, e ua faahapahia te taata taoá, no te mea, e taata taoá oia i roto i teie nei ao. Teie mai nei râ te tumu mau, oia hoi, a vai ai teie taata taoá i roto i teie nei ao. Ua faufaahia oia i te mau mea o tie pae tino nei. Aita râ oia i haamanaó i te feia veve e ratou atoa hoi i te maí. Ua haere teôteó noa râ oia i te mau mahana atoa. Aita hoi oia i haamanaó i tei hamani ia'na ra, oia hoi, to'na ra Atua. E teie taoá ta te Atua i horoa mai ia'na ra, ua riro ia ei faahaparaa na'na, i te mea e, aita oia i faariro i te reira ei tantururaa no ta te Atua ra ohipa.

Aita'toa Lazaro i haamaitaihia no te mea. e taata veve oia i te ao nei. Ua haamaitaihia oia, no te mea, ua faaroo-mai oia i to'na huru, ma te faaroo papu i te Atua ra.

PARAU TAUTURU Te haapii mai nei teie parabole e, e vai a te taata i muri aé i te pohe. E na te ohipa ta, na i rave i roto i teie nei ao, e faataa i te vahi e taehia e ana i muri aé i te pohe. Mai te mea, e ohipa maitai ta'na i rave i te ao nei, e farerei iho â ia oia i te utua maitai. Mai te mea râ, ua rave oia i te ohipa ino i roto i teie nei ao, e fare-rei ia oia i te utua au no te reira ino.

--Ioane Orotona

Te Mau Parau Apî

I te 24 no Tiurai, te au noa ra te hoé tamaiti i roto i te miti i faatata mai i te oire i Genoa, i te fenua Italia. A au noa ai oia i taua vahi ra, ua amuhia oia e te hoé maó, e ua pau roa to'na tino.

Ua pohe te hoé tamahine i te fenua Amerika. E tamahine apî roa hoi teie, e hoé ahuru matahiti to'na. Ua paruru teie tamahine i to'na metua vahine, mai tera te huru. Ua hinaaro te hoé taata i te faaipoipo i te metua vahine no teie tamahine. Aita râ te metua vahine i faaatia, no reira, ua pupuhi atura teie taata maamaa ia'na, ouá maira tera tamahine i mua mai i to'na metua vahine, haere atura te ofai i roto roa ia'na, pohe ihora oia.

I roto i teie mau mahana i mairi aénei, ua putuputu te hoé pupu taata, i te vahi i parauhia Logan, i te fenua Amerika. Ua ite tatou i teie mau taata, no te mea, e mau orometua Moromona ratou i te matamua, i te mau fenua moana. Ua putuputu ratou i taua vahi ra, e i reira, ua rave noa ratou i te mau peu o te maóhi. Ua tunuhia ta ratou maa, i roto i te himaa, e te tahi a mau raveraa tei matauhia e ratou, a parahi ai ratou i te mau fenua moana. Ua faaoaoa ia ratou iho, na roto i te haamanaóraa i te mau taata no te mau fenua moana, e te mau mea hoi ta ratou i rave. Te putuputu noa nei teie pupu taata i te mau matahiti atoa.

Te vai ra te hoé vahine i te fenua Amerika, e te parau-noa-hia nei, to'na i'oa e te mau taata'toa. Tera ia te tumu oia i riro ai ei vahine rahi i taua fenua ra. Ua faarue oia i te fenua Farani, e ua au atura i te fenua Baratane, hoé ahuru ma iva maile i te atea. Aita'tu e vahine i te ao atoa nei tei rave na i teie ohipa maere rahi. Ua au noa oia mai te hora hitu i te poipoi e tae noa'tu i te hora iva i te po. Ua riro hoi te rê ia'na i teie ohipa. Area râ i te matahiti 1923, ua au te hoé taata Italia, mai te fenua Farani atu i te fenua Baratane. E mea maoro rii râ te taime i pau ia'na no to'na auraa'tu i taua fenua ra. E ere râ teie to teie vahine tamataraa matamua. Ua tamata oia i te matahiti i mairi aénei, aita râ oia i tae.

Ua fanau te hoé ain i te fenua Amerika, tei roto to'na mafatu, i te pae atau o to'na ouma.

I te fenua Amerika i roto i teie mau mahana i mairi aénei, ua taparahibia te hoé taata ona, e te taata tia i no to'na fare, te hoé mutoi, e te hoé taata ereere, i roto i te hoé tama i te fare tamaaraa no taua taata ona ra.

Ua faaauhia te hoé ture api i te fenua Amerika i roto i teie mau mahana. Mai teie te huru, e haapao-mau-hia te mau ture o te fenua i nia iho i te mau pahi no te Marite noa'tu te vahi ta ratou e haere. Te tumu mau râ i faaauhia teie ture, no te mea, ua haapao ore te mau taata no nia mai i taua mau pahi ra i teie ture a tae atu ai teie mau pahi ra i te mau fenua êê.

I roto i teie mau mahana i mairi aénei, te tere ra te hoé pahi Tinito, i te fenua Amerika. Ua i roa teie pahi i te pipi maa. I to'na tereraa'tu, ua u atura oia i nia iho i te tahi pahi Iapone. Ua puta te hoé vahi no te pahi, e ua tahe noa mai te pape i nia i tera mau pipi i roto i te pahi, ua tupu roa teie pipi i te rahiraa i roto i te pahi, parari atura taua pahi ra.

I roto i teie mau mahana i mairi aénei, ua fanau te hoé fanaua puaa. E mea huru ê roa râ teie puaa, e aita roa i iteahia na te hoé puaa mai ia'na te huru. E piti vaba, e piti afii, e maha mata, to teie puaa, e ua nehehehe ia'na i amu i te maa, i to'na na vaha e piti. Te toea râ o te mau puaa tei fanauhia i te reira taime, ua au iho â to ratou huru i te puaa mau.

Alma G. Burton Imprimeur,
Rue Brea et de la rue Dumont d'Urville, Orovini, Papeete